

MONA OFFSHORE WIND LTD

CYFEIRNOD YR AROLYGIAETH GYNLLUNIO: EN010137

RHEOL 13(6) RHEOLAU CYNLLUNIO SEILWAITH (TREFNIADAU ARCHWILIO) 2010

HYSBYSIAD O WRANDAWIADAU MATERION PENODOL A GWRANDAWIAD CAFFAEL GORFODOL

Rhoddir rhybudd drwy hyn y cynhelir y Gwrandawiadau canlynol ar y dyddiadau, yr amseroedd a'r lleoliadau a nodir isod gan yr Awdurdod Archwilio (ar ran yr Ysgrifennydd Gwladol dros Ddiogelwch Ynni a Sero Net (yr "Ysgrifennydd Gwladol") ar gyfer archwilio'r cais a wneir gan Mona Offshore Wind Ltd (yr "Ymgeisydd") o Building B, Chertsey Road, Sunbury on Thames, Y DU, TW16 7BP, am Orchymyn Cydsyniad Datblygu ("DCO") o dan Ddeddf Cynllunio 2008 (y "Cais"). Cyflwynodd yr Ymgeisydd y Cais i'r Ysgrifennydd Gwladol, D/O yr Arolygiaeth Gynllunio, ar 22/02/2024 a chafodd ei dderbyn ar 21/03/2024. Mae'r Arolygiaeth Gynllunio wedi nodi'r cyfeirnod canlynol ar gyfer y Cais: EN010137.

Cais ydyw am gydsyniad datblygu i adeiladu, gweithredu a datgomisiynu Fferm Wynt Alltraeth arfaethedig Mona (y "Prosiect") oddi ar arfordir Gogledd Cymru. Mae'r Prosiect yn cynnwys hyd at 96 generadur tyrbinau gwynt a seilwaith cysylltiedig ar y tir ac ar y môr. Bydd y Prosiect yn cael ei leoli yn nyfroedd Cymru ac o fewn Siroedd Dinbych a Chonwy.

Dyma fanylion y digwyddiadau:

Dyddiadau: **Dydd Mercher 16, Dydd Iau 17, Dydd Gwener 18, Dydd Mercher 23 a Dydd Iau 24 Hydref 2024.**

Cyfarfod yn dechrau: 09:30am

Lleoliad: Cynhelir y digwyddiadau hybrid yng Ngwesty'r St George, Y Promenâd, Llandudno, LL30 2LG ac ar-lein gan ddefnyddio Microsoft Teams. Caiff cyfarwyddiadau llawn ar sut i ymuno ar-lein neu dros y ffôn eu darparu ymlaen llaw i'r rheini sydd wedi cofrestru. Sylwer: cynhelir y digwyddiadau ar ddydd Mercher 23 a dydd Iau 24 Hydref ar-lein yn unig.

Yn bresennol: Partion a wahoddiwyd sydd wedi cofrestru ymlaen llaw

Dyddiadau	Gwrandawriad	Amser dechrau	Y Lleoliad a Manylion Ymuno
Dydd Mercher 16 Hydref 2024	Gwrandawriad Mater Penodol 3 (ISH3) ar Faterion Amgylcheddol	Bydd y gwrandawriad yn dechrau am 9:30am Bydd modd cymryd eich sedd yn y lleoliad o 9:00am ymlaen ac ymuno â'r Gynhadledd ar-lein o 9:00am ymlaen	Gwesty'r St George, Y Promenâd, Llandudno, LL30 2LG ac Ar-lein drwy Microsoft Teams
Dydd Iau 17 Hydref 2024 A Dydd Gwener 18 Hydref	Gwrandawriad Caffael Gorfodol 1 (CAH1)	Bydd y gwrandawriad yn dechrau am 9:30am Bydd modd cymryd eich sedd yn y lleoliad o 9:00am ymlaen ac ymuno â'r Gynhadledd ar-lein o 9:00am ymlaen	Gwesty'r St George, Y Promenâd, Llandudno, LL30 2LG ac Ar-lein drwy Microsoft Teams

Dydd Mercher 23 Hydref 2024	Gwrandawriad Mater Penodol 4 (ISH4) ar Faterion Ar y Môr	Bydd y gwrandawriad yn dechrau am 9:30am. Ar-lein gan ddefnyddio Microsoft Teams drwy ymuno â'r Gynhadledd ar-lein o 9:00am ymlaen	Ar-lein drwy Microsoft Teams
Dydd Iau 24 Hydref 2024	Gwrandawriad Mater Penodol 5 (ISH5) ar y Gorchymyn Cydsyniad Datblygu (DCO) drafft	Bydd y gwrandawriad yn dechrau am 9:30am. Ar-lein gan ddefnyddio Microsoft Teams drwy ymuno â'r Gynhadledd ar-lein o 9:00am ymlaen	Ar-lein drwy Microsoft Teams

Gwybodaeth am y gwrandawriad

Ceir rhagor o fanylion ynghylch mynychu a siarad yn y gwrandawriadau yn hysbysiad Rheol 13(3) yr Awdurdod Archwilio yma:

<https://infrastructure.planninginspectorate.gov.uk/wp-content/uploads/projects/EN010137/EN010137-001058-MNOW%20-%20Rule%2013%20and%20Rule%2016%20-%20Notification%20of%20Hearings%20and%20ASI%20-%20Welsh.pdf>

Dylai Partïon sydd â Diddordeb sy'n dymuno siarad yn y Gwrandawriadau a restrir uchod roi gwybod i'r Arolygiaeth Gynllunio erbyn 7 Hydref 2024 drwy anfon e-bost at flwch post y prosiect (manyllion isod).

Gall partïon sydd â diddordeb fynychu'r gwrandawriad wyneb yn wyneb yn y lleoliad (ISH3 a CAH1 yn unig) i arsylwi'r achos; fodd bynnag, er mwyn sicrhau bod digon o seddi yn y lleoliad, gofynnwn i chi gofrestru eich dymuniad i arsylwi yn unig erbyn dydd Llun 7 Hydref 2024 drwy anfon e-bost at flwch post y prosiect (manyllion isod).

Cynhelir y Gwrandawriadau ar-lein hefyd a bydd modd ymuno drwy unrhyw borwr rhyngwryd safonol neu drwy ddeialu i mewn dros y ffôn. Bydd cyfarwyddiadau llawn ar sut i ymuno ar-lein neu dros y ffôn yn cael eu darparu ymlaen llaw i'r rheini sydd wedi cofrestru ymlaen llaw. Bydd ffrydiau byw hefyd ar gyfer pob Gwrandawriad a byddwn yn darparu'r ddolen ar y diwrnod yn: <https://infrastructure.planninginspectorate.gov.uk/projects/wales/mona-offshore-wind-farm/?ipcsection=overview>

Cysylltwch â Thîm Achosion yr Arolygiaeth Gynllunio dros y ffôn (0303 444 5000) neu drwy e-bost (monaoffshorewindproject@planninginspectorate.gov.uk) os oes angen unrhyw gymorth arnoch i fynychu unrhyw un o'r gwrandawriadau, naill ai ar-lein neu wyneb yn wyneb.

Sylwch y bydd Gwrandawriadau'n cael eu recordio, a bydd y recordiadau'n cael eu cyhoeddi ar dudalen Prosiect Fferm Wynt Alltraeth Mona ar wefan yr Arolygiaeth Gynllunio cyn gynted ag y bo'n ymarferol ar ôl pob Gwrandawriad.

Crynodeb o'r Cais a'r Prosiect

Bydd y cais am DCO yn cynnwys y canlynol:

- adeiladu, gweithredu, cynnal a chadw a datgomisiynu'r Prosiect;

- caffael tir yn orfodol gan gynnwys hawliau mewn tir neu dros dir sy'n ofynnol at ddibenion y Prosiect, a thir sy'n ofynnol i hwyluso'r Prosiect neu sy'n gysylltiedig ag ef;
- cymhwyso a/neu ddatgymhwysu deddfwriaeth sy'n berthnasol i'r Prosiect, gan gynnwys y ddeddfwriaeth sy'n ymwneud â chaffael tir yn orfodol; a
- darpariaethau, caniatadau neu gydsyniadau pellach sy'n angenrheidiol a/neu'n gyfleus gan gynnwys trwydded forol dybiedig.

Mae'r Prosiect yn cynnwys fferm wynt alltraeth arfaethedig ym Môr Iwerddon, a seilwaith cysylltiedig ar y môr ac ar y tir. Disgwylir i'r fferm wynt gynnwys hyd at 96 generadur tyrbinau gwynt. Ar ei bwyntiau agosaf at y lan, mae ardal yr arâe yn 28.8 km o arfordir gogledd Cymru, 46.9 km o arfordir gogledd-orllewin Lloegr, a 46.6 km o Ynys Manaw. Bydd coridor y ceblau allforio ar y môr tua 46 km o hyd a bydd y coridor ceblau allforio ar y tir (gan gynnwys coridor ceblau 400 kV) tua 16 km o hyd.

Bydd y DCO arfaethedig, ymysg pethau eraill, yn awdurdodi'r canlynol:

- Adeiladu a gweithredu hyd at 96 generadur tyrbinau gwynt ar y môr a'u sylfeini;
- Adeiladu hyd at bedwar platform is-orsaf ar y môr (OSP) a'u sylfeini;
- Adeiladu rhwydwaith o geblau rhyng-arâe o dan y môr sy'n cysylltu'r generaduron tyrbinau gwynt a rhwydwaith o geblau rhyng-gysylltu sy'n cysylltu'r platfformau is-orsaf ar y môr
- Gosod hyd at bedair cylched ceblau allforio o dan y môr i drosglwyddo'r trydan a gynhyrchir gan y generaduron tyrbinau gwynt i'r lan. Mae coridor ceblau allforio ar y môr y Prosiect yn ymestyn tua'r de-ddwyrain o ardal yr arâe i'r lanfa arfaethedig yn Llanddulas yng Nghonwy;
- Adeiladu hyd at bedwar porth cysylltu trosiannol ar y lanfa sy'n cysylltu'r ceblau ar y môr â'r ceblau ar y tir;
- Gosod hyd at bedair cylched ceblau allforio tanddaearol ar y tir sy'n cysylltu o'r pyrth cysylltu trosiannol ar y lanfa i is-orsaf ar y tir y prosiect;
- Adeiladu a gweithredu is-orsaf newydd ar y tir ar gyfer y prosiect i'r de o Barc Busnes Llanelwy a Ffordd Glascoed yn Sir Ddinbych;
- Gosod hyd at ddwy gyched ceblau allforio tanddaearol ar y tir sy'n cysylltu'r is-orsaf arfaethedig ar y tir ag is-orsaf y National Grid ym Modelwyddan er mwyn gallu trosglwyddo'r pŵer i'r National Grid; a
- Gwaith i gysylltu'r Prosiect ag is-orsaf National Grid ym Modelwyddan yn Sir Ddinbych.

Byddai'r DCO hefyd yn awdurdodi caffael tir yn orfodol, buddiannau mewn tir a hawliau dros dir, a'r pwerau i ddefnyddio tir yn barhaol a dros dro ar gyfer adeiladu, gweithredu, cynnal a chadw a datgomisiynu fferm wynt ar y môr.

Asesiad o'r Effaith Amgylcheddol - Mae'r Prosiect yn ddatblygiad y mae Asesiad o'r Effaith Amgylcheddol yn berthnasol iddo fel y'i diffinnir yn Rheoliadau Cynllunio Seilwaith (Asesiad o'r Effaith Amgylcheddol) 2017. O ganlyniad, mae'r Ymgeisydd wedi cyflwyno Datganiad Amgylcheddol fel rhan o'r Cais. Mae Crynodeb Annhechnegol o'r Datganiad Amgylcheddol hefyd ar gael.

Gweld y Cais am DCO

Mae holl ddogfennau'r cais am DCO, gan gynnwys y ffurflen gais a'r holl gynlluniau a mapiau, i'w gweld yn rhad ac am ddim ar wefan yr Arolygiaeth Gynllunio drwy gydol y cyfnod archwilio yma ar dudalen prosiect Fferm Wynt Alltraeth Mona: <https://infrastructure.planninginspectorate.gov.uk/cy/>

Gallwch hefyd weld y fersiynau ar-lein hyn o ddogfennau DCO Mona yn rhad ac am ddim yn y lleoliadau isod. Cysylltwch â'r lleoliadau yn uniongyrchol i gadarnhau beth yw eu horiau agor ac unrhyw ofynion o ran archebu neu gofrestru a allai fod eu hangen i gael gafael ar y dogfennau'n ddigidol ar y cyfrifiaduron sydd ar gael yn y lleoliadau priodol.

Lleoliad	Amseroedd Agor	Rhif cyswllt
Llyfrgell Amlwch, Lôn Parys, Amlwch, Ynys Môn LL68 9EA	Mawrth: 9.30-12.30pm a 2-5pm, Mercher, Gwener, Sadwrn: 9.30-12.30pm, Iau: 2-7pm	01407 830145
Llyfrgell Gyhoeddus Bangor, Ffordd	Llun, Mawrth, Iau: 9:30-6pm,	01248 353479

Gwynedd, Bangor, Gwynedd, LL57 1DT	Mercher, Gwener: 9:30-5pm Sadwrn: 9:30-1pm	
Llyfrgell Henry Bloom Noble, 8 Duke Street, Douglas, Ynys Manaw IM1 2AY	Llun-Mercher a Gwener: 8.30-5pm, lau: 10-7pm, Sadwrn: 9-4pm	01624 696461
Llyfrgell Llandudno, Stryd Mostyn, Llandudno LL30 2RP	Llun-Mercher a Gwener: 9-5.30pm, lau: 10-7pm, Sadwrn: 9:30-3pm	01492 574010
Llyfrgell y Dref – Ramsey, Parliament Square, Ramsey, Ynys Manaw IM8 1RT	Llun-lau a Sadwrn: 9-4:30pm, Gwener: 9-4pm	01624 810146
Llyfrgell, Amgueddfa a Chanolfan Gelfyddydau y Rhyl, Stryd yr Eglwys, y Rhyl LL18 3AA	Llun: Ar gau, Mawrth: 10-5pm, Mercher: 12-5pm, lau: 10-5pm, Gwener: 10-5pm, Sadwrn: 09:30-12.30pm	01745 353814

Os oes arnoch angen ffordd arall o archwilio'r cais am DCO, neu os oes gennych chi unrhyw ymholiadau, gan gynnwys sut mae cael gafael ar y dogfennau ar wefan yr Arolygiaeth Gynllunio, ffoniwch yr Ymgeisydd ar 0800 860 6263 neu anfonwch e-bost at info@monaoffshorewind.com.

Gall yr Ymgeisydd hefyd ddarparu unrhyw un o'r dogfennau yn ôl yr angen ar USB (yn rhad ac am ddim). Gellir hefyd ddarparu copi caled o'r Crynodeb Annhechnegol ar gais rhesymol. Codir ffi hyd uchafswm o £7,000 a TAW am ddarparu copïau caled o'r Datganiad Amgylcheddol, er mwyn talu am y costau argraffu a phostio.

Os oes arnoch angen ffordd arall o archwilio Dogfennau'r Cais (er enghraifft mewn print bras, fformat sain neu Braille), cysylltwch â'r Ymgeisydd gan ddefnyddio'r manylion isod.

Mae rhagor o wybodaeth am Mona ar gael ar wefan y prosiect: <https://www.morganandmona.com> neu drwy gysylltu â'r tîm ar 0800 860 6263 neu drwy anfon e-bost at info@monaoffshorewind.com